

BALLE-AU-CAMP

Par A. M.

# ALTJEMATINGBOEL

---

Spaling's Base Ball Rules  
—IN MICMAC—


Kind permission of Mr. J. E. Sullivan  
Pres. A. S. P. Co. New-York,  
March 13th 1910.



RIMOUSKI, P. Q.

IMPRIMERIE GENERALE S. VACHON

1912





# ALTJEMATIMGEOEL

## I APAPIG AG TOAGAN

1.—Altjemaganei magamigeo temg engætemeg, oetgitemeg oetji pgôtji altjemating glapis ellotaganel 235 lepie, ag lamlotaganitjig apapig 90.

*Goilen tan tetli pgeoigasig nipigt 16-17*

2.—Teli eltagalotjig apapig: natami geginogoatasig A tan oetji pgôtji altjemating elieng misôgo G 154 lepie telpesog, ag giotôgio 63 lepie tjel agetaig neoitjig eltagalotjig apapig I m S g oetji gisitasig lesigenei lamlotagan.

3.—Opagamigtog igateng tan igamiteo notji msenaœt, nesesitjig apapig S M, S O ag O M natami 90 lepie, paseg oetjigeœi me siaoasig etoio 10 lepie.

4.—Tapoôoeg amsgoeseoeg apapig S g ag S m lamlotaganeg eli siaoatitjig misôgo osgitotegeœi ellotagan; tôgo œli ginogoatitjig ogisi nemitasin mset tami.

5.—Aptj sgoaigel lamlotagan ag notji msenaœt otigataganem, tapogol epme-

tog igatasigel ellotaganel 50x75 lepie S N i a ag S P t s, netna altjemeoinog ot-igatagantjitjoal.

6.—Tôgo natel elp epmetog d ag e ta-positjig apapig igalotjig 15 lepie oetgite-meg tanig siaoatitjig, neote teli mitag-altititj; tetli gamitag notaogtigemoetj-ig.

7.—Agetaitjel inaganei amsgoeseoei lamlotaganei apapi S g aptj gteg igata-sig ellotagantjitj 3 lepie teli sgeg ag 45 telpitag 1 2 3.

8.—Etoio tan tetli pgôtji altjemating apapigtog A S G tan tetli oigasig S tapogol ellotagantjitjel, tetli oigasigel 8 ag 9, igatasigel otjit altjemaganatgoei tjinem, gitg 4x6 lepie.

9.—Megoaig lamlotaganigtog gigtjio G oteg apapigtog igatasig tan igamitjel notleget, nepsetgoteg 15 mtitjin ag eh nisgamigeg apapigtogel.

10.—Tan tetli pgôtji altjemating lam-lotagantjitj 17x12x8½ mtitjin geginogo-atasig apapigtog S g ag S m, nangel osi-sgotjel. Gtegel nesisgel getjigasigel g I m etli nagetamgel 15x15 mtitjin.

11.—Tan oetji pgôtji altjemating S ag tan igamitjel notleget 4 oetji ginoe-gel oapasig lôpel teloisig aglasieoigtog ag tetpagateg magamigeoigtog.

12.—Sgato gtegel etli nagetangel i m g oapeg segigenatgoei montitj igatasig.

13.—Gtegig apapig miamotj oetji gino-goatasitjig gagaiôg gisna piloei gôgoei oapeg golaman oli nemitasitag msigotj-oigtog gisna magamigeoigtog.

14.—Toagan galgie engatigen gisna me gitjga gesgolg eoasit, pesgonateg mtitjin giogtôgio telpitôgsit. Notapteget ma peli gogonagoi tapoôgsilitji; golaman neogtetjit gsegatj aptj gteg sgentog gisi neiasit. Sgato ma eoameg glapis gitôgôtogoltitjig gisi gagi giotôgôtogoltititj. Eln tepetog tan elpa getoi gsegalatjel toaganel gisna segoisgalatjel, tpe-omogsiteo \$5.00. Toangang pegoatelagoititj tani oigotemilitj altjemagan, maoiômigtog tet tlei.

15.—Altjemaganatgo eomeg giotôgilog-oasig, 42 mtitjin telpitag  $2\frac{3}{4}$  telgig tan tetli maogig; tôgo tesig elnigemotjei, paseg 18 mtitjin tan tetli osoatasig apapi gisi tetpironasiteo gisna tepgoanasiteo.

## II ALTJMEOINOG

16.—Taponemigsitjig eta, tôgo pesgonateg tesitjig tjinemog etcio neogti altjematitjig, neogtetjit niganpogoitjel.

17.—Tan paseg tami gisi igalotjig, pa-

seg notleget gesg elegetjel telgamiteo tan telgitasig teplotaganigtog 3oei, ag notji msenaet otigataganemigtog 10 lepie telpesog tan oetji pgôtji altjemating.

18.—Altjemeoinog tanig neogte teli asonôltitjig ma oiagpoltitiog gtegi mima-tjoino angaptagatilitji.

19.—Taponemig tan teli ngoti asonôl-titag; neogtonemig ometgioag, ag gteg tan tami seg eli altjematitjig; maœn gôgoei ôgôsgitapilemog ogoatg, sig eta altjematingeol gasaoôgoel.

20.—Notji msenaet gisna tan nigani etli nagetamgeoei tjinem gisi nasgoatjel tan paseg piltjaganel gisna natjiltjaganel, sgato gtegi opiltjaganemoôo ma piangilog 14 mtitjin mtelamiltjemg, ag ma piami gsogolog agetaig engatigen gisna me gitjga.

21.—Tapogol motpotil tetli igatasittal 25 lepie oetjategemg apapig tan tetli poltitag altjemeoinog tanig môgoetj altjematitiog, neogti motpotigtog tanig ometgioag eigig, ag gteg tanig seg oetjitatjig. Tan mo getoi pasiog natel \$5. apangitteo gisna tjel tjigelalaten altjemaganigtog.

---

### III ALTJEMATIMGEL

22.—Oisoigenôtegemgeoei altjemagan ma pôgtangianog me tôgoagtjitjg tjel mo topogol atjietjel galgoasieteo, ag gagateo tan gitg neogtonemigsitjig altjemeoinog glapis pesgonateg tes ntaoi gamitatag tagamamgeoeigtog. Gisna elp gagateo (1) tan tllisip tanig temg tagamatitjig me tegeletjgel etgoimgeoel oesgôtemititjel pesgonateg tes tetli gamoltitjig, mo ngotei gtegig ogomoltjin tes ; (2) tan tllisip tanig otetjg tetli gamoltitjig oisoigenôtegetjig gesgemenag sistoei tjinemol etjigelasiligol ; (3) tan tllisip notapteget teli tpelotg ogagian otjtj pôgônitpag, pogteo, gigpesan, tjipagatimg, gisna piloei gôgoei amsaliag.

23.—Tjptog tetpagatesgel etgoimgeoel pesgonateg tes gagamitamgel, siaoi altjematiten misôgo neogtonemigsitjig oisoigenôtegetag.

24.—Notapteget tpelotteo mesi oisoigenôtegemgeoei tan tetpagatesgel etgoimgeoel ag tetli gamitamgeoel ag menoegemg oponi altjematin.

25.—Tan totjio gagôtasig altjemagan egitemegel etgoimgeoel tanel oesgôteme- gel tan tetpi gagamitamgeg ; eln tepetog tan tapoôoeg neogtonemigsitjig neogte piamiag etgoimgeoei gegonemititj,

tlisip egitemegel tesigel etgoimgeoel sapotatimgeol.

26.—Opli altjemating oiteten (1) tan tlisip neogtonemigsitjig môgoetj gisgatj-ôltitioḡ nangel aptjetjigel gisi oigomosenig ; (2) tan gisi pôgtji altjematingel, tlisip poni altjematitjig esgemenag asitetemoameḡ ; (3) gisi poni altjematingel ag minoi oigotemeg, mo getoi altjematitioḡ ; (4) tan nat oenig elogoatemititj mesotog onagatasitten altjemagan ; (5) tan negao pesôḡp̄sgatasig teplotagan ; (6) tan altjemeoino telgitasit ogtetjigelasin gigatjasit ; (7) tjiptog gis gisi tji-gelasiteḡ altjemeoino, nogotj atji tgeletjitjig ag pesḡonateg tesitjig : (8) tan tlisip poni altjemating otjit gigpesan tôgo notapteget elistot ; (9) tan tapogol altjemaganel oigotemegel neogte gisi miaolagoeg, tôgo tapoôoei menag pôgtamgianog neogtisgagal aptjetjigel gis gisi gagiageḡ amsgoesoei : (10) tan oen teli tpeleteget genoatoatal alsosilitjel maioimigtog esgemenag gagianog neogte na-  
goeg.

27.—Môgoe altjemaganinog eoitemeg tan poni altjemating gesgemenag nan gagi altjematingeḡ ; eln tepetog tan tli-sip tapoôoeg neo pisgoetatjig me pigoelgel sapotatimgeol gisitotitjel, mo ngot-

ei g  
lota  
28  
tog  
nôlt  
apg  
29  
tgiḡ  
oei  
gisi  
pteḡ  
gem  
ten,  
pto  
oat  
mte

30  
get  
gel,  
sam  
neo

31  
tasi  
ema  
gon  
ma  
eoit

32



ei gtegi nan altjematiltji, na telgig tep-  
lotaganig, ag nagla oisoigenôtegetjig.

28.—Oisoigenôtegemgeoei altjemaganig-  
tog metj tepietag sgemeoinog tetpi aso-  
nôltititj oitapaoa, ag gisgatjôltitag on-  
apgoaneo tan telgitasimg.

29.—Tan niganpogoit altjemeoino ome-  
tgig na negem mgeneteo gagamitamge-  
oei ag tpelotteo ogelolten magamigeo,  
gisi gigpesag ; sgato tan engasaio nota-  
pteget gisi oigotgeg altjemagan, na ne-  
gem tôg nogotj neogti tpelotteo ogelol-  
ten, ag gisatoteo ogtelogoatasitten ; tji-  
ptog mo gisi ogtjiagoi tjinemo natalog-  
oatemelitj, oiteteo ôpli altjemating oe-  
mtegi maioîmigtog.

#### IV NOTLEGEMGEOEL

30.—Getoi legetjel teli gamiteo notle-  
get gigtjio getgoteg altjemaganatgoigto-  
gel, tôgo elegetjel neogte ogoat miamotj  
samteg espagamigeg ag paseg elegetjel  
neogt etlegasiteo.

31.—Gelolg elegemgeoei tan tllisip sapa-  
tasit toagan gegoeg tan oetji pgôtji altj-  
emating megoaig ogtelmaganeg ag otji-  
gong altjemaganatgoei tjinemol, tôgo  
ma nisieg magamigeoigtog; tes teliag tes  
eoitameg gôgoat legemgeoei.

32.—Môgoe geloltenog elegemgeoei, tan

piloei tami tetli sapotasit toagan, gisna elnisiet magamgeoigtog gesgemenag tagamgogol altjemaganatgoei tjinemol. Elp tjiptog elegetjel piloei eltjemeoinol tanel mo notji msenaeligol ogtigataganemigtog, gisna tanel mo tllisip etgoimligol.

33.—Notapteget elp oitetal ôpli legelitjel tanel nengasilitjel 20 gamlamingel, paseg tan pôtteleget gisi oegel 60 gamlamingel.

34.—Gespogoategemg tan matjasit getoi leget ag môgoetj elegeog, gisna eleget piloei etli nagetamgel gesgemenag etlegasigol ogtininigtogel tanel tetli pogoilitjel, gisna tjel altjemaganatgoei tjinemol gesg neogte ogoat samteg oteg espagamigeg, gisna piloei tami gioansgapogoit, gisna getoi legetjel tan menag mesnagol toaganel, gisna piloi matjasit tan imatjasit getoi legetjel, gisna elegetj gesg notji msenaelitjel môgoetj eimeligol tan isôg ogtigataganemigtog.

35.—Gesgat toagan teloitot tan samteg ogtôgôn altjemaganatgoei tjinemol tan igamilitjel gisna notaptegelitjel ogtôgôn gotjemog eimelitjel.

36.—Tan gesgat toagan gisna samtatjel etgoimlitjel, ma ogtji altjematimeg glapis igatj notlegelitjel opitenigtog, tôgo notapteget oigotj altjemagan,

3  
tjel  
tar  
me  
sip  
tôg  
nag  
toa  
em.

3  
em:  
gel,  
oig  
3  
ign  
te  
mse  
tan  
pas  
sip

4  
tan  
son  
pog

4  
titji  
tjern  
misc

37.—Engasit toagan tan tllisip oesoaltjel oenel mo altjemaligol ; gesg telegel, tan giotôgôtogoig môgoe netaoi ôplalameg ; eln tepetog oesami nagasitjel, tllisip notapteget telgitg pom altjematin, tôgo mset oen tetli gamiteo tan gespi nagasis, misôgo notleget aptj mesnatjel toaganel, ag notapteget aptj oigotg altjematin.

### V ALTJEMAGANATGOEL

38.—Tesisit altjemeoino miamotj eli altjemaganatgoit ag etli gamit tan igamimgel, otjijatj ogoisonem gisi oitjoigemen oigemaotgog.

39.—Geptin oitapa ogoisonoal tesilitji ignemoatal notaptegelitjel ; tôgo notapteget neiatoatal gtegel geptinal ; ag mset oen li pogoiteo altjemagatgoigtog tan tllisip igag ogoisonem oigatigenigtog, paseg tan oen eli napgoatjel oitapal, tllisip telgitasit otaltjeman.

40.—Gisi altjematimgeg neogt, tllisip tan li notlegeteo netna negem tan ogoisonem igag gis gisi gitemeg gespi gagi pogoiliteg altjemaganatgoigtog.

41.—Gesg neogtonemigsitjig eli pogoltitjig altjemaganatgoigtog, tanig mo altjematitiog tetli poltitag motpotigtog misôgo oigomotjig altjemaganatgoigtog,

gisna aogtigemoatitij, gisna napgoatitij giotôgôtogoltitij.

42.—Maoen tan tlei altjemaganatgoigtog gisi gamiog tan oetji pgôtji altjemating gisna oteg, paseg tan notji tgamatjel toaganel, ag notji msenatjel, ag notapteget ; tjel ma gisi sapotasiog ratela.

43.—Tanig motpotigtog epoltitijig tami seg matjitatag, tan totjio natel tjiptog gisi ogtji nagalos altjemeoino tan getoi msenatjel toaganel.

44.—Teloemg oeli tgamot toagan tan eli nisiet megoaig oetji ngôtji eltjemating ag amsgoeseoei gisna sisteoei etli nagetangel, gisna tan oetji toiet gotjemog, gisna igat ogtininigtog notaptegetjel, gisna altjemeoinol tetli gamilitjel.

45.—Ali tgamot teloitemeg tan gisi tgamot eli nisiet gotjemog apapigtog, gisna igat ogtininigtog tanel tetli gamilitjel.

46.—Metetatj toagan tan oetji msenot altjemaganatgoigtog notji msenaotelitjel opitenigtog.

47.—Ami samtôt teloitet tan paseg gitjatj pei tagmot, tôgo tllisip lamlotaganigtog eli atjalot ; sgato gotjemog eli nisiet tllisip ôpli tgamot teloitemeg.

48.—Tan etjigeltasit toagan asilotaganigtog notapteget oitatal gelosilitjel gis-

na  
mi  
elo  
ner  
alt  
me  
tllis  
pot  
go  
sig  
4  
mo  
gel  
tga  
gis  
get  
etj  
mg  
to  
gis  
not  
5  
ma  
gis  
5  
sit  
sig  
gis  
ias  
etj

na atjgenelitjel, tan negem tetli poni nemiatjel. Oeli tgamot toagan asisasitjel elotaganigtog, notji tgamatjel oetji ignemot otogoimen glapis tan tetli pgôtji altjemating. Eln tepetog asisasilitjel me oetjoôo tjel mo 235 lepie telpesog, tlisip pa sig tapogol etli nagetamgel sapotasiteo. Na ogtjit menagatj geginogoatasitteo tan me oetjoôo tetli aoiolotasig.

49.—Peli tgamot teloitot, tan teli tgamot altjemaganatgo môgoetj eomemegel; gisna oeli elegemgeg ag elpa mesi tgamot; gisna ôpli samtôt toagan mo gisi msenat glapis tapo tagamotj; gisna getoi samtôt tôgo eli asisasit ag môgoetj gôgoatji msenameg; gisna gisi legemgeg notji tgamatjel eli tgamatjel sga-to pettatjel tôgo igalitjel ogtininigtog; gisna tan ami samtôt tôgo gegontjel notji msenaelitjel tan tetli igamilitjel.

50.—Opli tgamot, tan tlisip notji tgamatjel asege apapigtog neogte ogoatg gisna gitg teli gamitjel.

51.—Altjemaganatgoei tjinem etjigelasit (I) tan peli gisgatjeg tan teli oigasig ogoisonem oigatigenigtog, ag maoen gisi togoimog ogtjit piloel oenel ôpli neiasilitjel; ag tjiptog negem sisteoeit tan etjigelasit ag ntôgo oitapa poni gamolti-

tij altjemaganatgoigtog, tan etmapo-  
goit tetli gamiteo tan aptj pisgoetangel;  
(2) tan mesi tetli gamit glapis neogte  
aptjetjig gisi oigomot altjemaganatgoei  
tjinem; (3) tan piloei teli ôpli tgamatj-  
el toaganel, mo ngotei tan telocuges a-  
mi samtatitjel teplotaganigtog 46, tôgo  
altjemeoino memgegigtog gitjgatj engal-  
atjel gesgemenag igaligol magamigeoig-  
tog; (4) tan ôpli tgamatjel tan teli  
oigasig 50; (5) tan oetgôlatjel notji  
msenaœelitjel gisna tan pa sig teli asgai-  
oatjel; (6) tan tllisip glapis sist notap-  
teget "peli tgamot" oitegel, gesg natoe-  
nel gagamilitjel amsgoeseoei etli nageta-  
mgel; pa sig ma tlasinog tan gis tapos-  
itjig tjunemog gis etjigelatitij; (7) tan  
sisteoei getoi tgamatjel tôgo igalitjel og-  
tininigtog, tllisip giotôgôtogoltitjig ma  
siaoitatiog, tan teli tpeלותasig 55; (8)  
tan tllisip esgemenag etjigelatitiog tapo-  
sitjig, gesg etli gagamimgel amseoeseo-  
ei ag tapoôoei, gisna lei, 2ei ag 3ei etli  
nagetangel, negem negela tllisip oli tga-  
matjel toaganel; pa sig ma tlianog og-  
tjit toagan tan negaoasit ag gisi msen-  
sepen tan paseg oenel altjemeoinol mem-  
gegigtog; tôgo na tetapotesgel notapte-  
get ma peli oitemog lamlotaganei gisna  
aslotaganei tagtemeg; (9) tan sisteoei

peli tgatemeg, teli tpelotasig 49; (10) tan matjipogoasit oetjategemg neogte glapis gteg etli gamitjel, gis gisi pogoiliteg notlegelitjel, getoi elegelitjel.

## VI GIOTODOTODOIMGEOEL

52.—Notji togoig gôgoatji igateo etli nagetangel, netna Iei, 2ei, 3ei ag altjemaganatgoei etli nagetangel, tôgo telgitasitj otaspgoasin, gesg toaganel eoasilitjel, tetli apsgoi nagasiteo. Pa sig eotjipogoasitj, na oetji osgôteo etli nagetangel esgemenag etjigelasiog, ag gisi notjôtg misôgo etaseoei gôgoatji ogsoatôg gisna natji tjigelaltjel gtegel tetli pigoalitjel. Eln tepetog maoen ntaoi niganasigol tanel nigani eomiliteg altjemaganatgo, imelitj tanel menag etjigelasiligol.

53.—Altjemaganatgoei tjinem eli togoig, (1) nangemio gisi oli tgamatjel toaganel; (2) gisna tan gis neo oitemegsep ôpli legemgel; (3) gisna nesisgel tagtemegel; (4) gisna tan môgoe getoi tgamagol toaganel, tôgo igalitjel ogtininigtog; (5) gisna tan getoi tgamatjel, tôgo oetgôltjel notji msenaolitjel; (6) gisna tan oeli tgamot toagan igat ogtininigtog gisna ogtôgônigtog notaptegelitjel gisna etgoimlitjel lamlotaganigtog.

54.—Notji giotôgôtogoig ntaoi siaoasiteo neogte etli nagetamgel, (1) tan altjemaganatgo gegongeg, neo ôpli legemgeg gisna samtôt toaganigtog gisi legemgeg, gisna oetmeiatjel msenaœlitjel ; (2) tan etas tjinem altjemaganatgoigtog neogti telalot ; oetjiag notji giotôgôtogoig ongatemagon etli nagetamg ; (3) elp tan notapteget eoiteg gespogogatagan getoi legemgel ; (4) tan toagan gsgotesgoatjel notji msenaœlitjel ag siaoasit glapis igatj notaptegelitjel ogtinigtog gisna elotaganigtog gisna oigaganigtog glapis 90 lepie teli oetjoôo teli pgôtji altjematingel ; (5) tan tjiptog oetgôltjel altjemeoinol opisgoan etli nagetamgel tanel môgoetj gegonaligol toaganel getoi samtalitjel etgoimlitjel ; (6) tan notji togoig engasit gisna mesnatjel toaganel otagoesenigtog gisna otepiltjaganigtog gisna pilœi gôgoei tan meogti asonôltititj tlei, tan pel poni nasgeg, tlišip notji togoig gisna etgoltitjig gisi soatotal 3 etli nagetamgel ; (7) eln tepetog igatj toagan notaptegelitjel ogtinigtog gotjemog apapigtog eimelitjel gelositeo, tlišip netaoi togoimeg tan tesigel etli nagetamgel gisi pgoatemg.


55.—Gisi apatjasit oen etli nagetamg tan œesgôtg tôgo ma ogtji tji gelasiog,



(1) tes notapteget teloet "môgoe gelo-siog" toagan, gisna ôpli tgamot, gisna gesgat (eln tepetog tllisip, gisi gisalot ongatemen etli nagetamgel tan teli tpe-lotasig 56, 2) ; (2) elp tes notapteget ogtôgônigtog oetji asgaioatjel notji mse-naoelitelj gisna altjemeoinol getoi tjigele-gelitelj ogtininigtogel etgoimlittel (3) tes toagan getoi tgamot ag mesetesgot tôgo igat notaptegelitelj ogtininigtog ; (4) tan tllisip oeli tgamot toagan igat notaptegelitelj ogtininigtog esgemenag samtagnol altjemeoinol, tllisip maoen atj-asiog etli nagetamgel, paseg tjiptog al-tjemaganatgoei tjinem pôgtji togoigel, ag ma gitememeg etgoimgeoei, esg etli nagetamgel menag mset oatjoianogol ; (5) tan tllisip notapteget etjigelimatjel altjemaganatgoei tjinemol gisna notji to-goimlittel. Tes telamog igag, tan et-goig gisi apatjasit etli nagetamgel tan oesgôtg tlia engasiog gtegel.


56.—Notji giotôgôtogoig etjigelasit, (1) tan tllisip gesg gegongeg altjemaga-natgo sist ôpli tgamasanel toaganel ta-nel sisteoei môgoe gôgoatji msenasilgol, ag negem elpa mesoi ogtemeioatjel ge-tor tjigelelittel memgegigtog ; (2) tan oeli tgamasanel toaganel, sgato altjeme-oino engalatjel gitjgatj esgemenag elnis-

# TAN TETLI ALTJEMATIMGEL



ATJI MSEGIG' ETLI ALTJE-  
MAGANATGOIMGEL

BALL FIELD



ieligol magamigeoigtog gisna piloei igaligol gôgoeigtog, tjel elp eltjemeoino otagoesen gisna omaposemg gisna piloei neogti ogtôgônigtog; (3) tan sist ôpli tgamasenel, tôgo toagan telasit tan nige teloemges (2); (4) tan sist ôpli tgamasenel gisna neogt oeli tgamasenel, tôgo oetji samtôt altjemeoinol ogpitenigtog, gesgemenag igaio g amsgoeseoei etli nagetangel; (5) tan sist ôpli tgamasenel gisna neogt oeli tgamasenel, tôgo altjemeoino tan etlipogoit amsgoeseoei etli nagetangel mesnatjel toaganel ag melgenatjel gesgemenag tetli igaligol negela tjinemol; (6) tan tllisip pogoei gis etgoig, gesg apatlegemgel amsgoeseoei etli nagetamgeoeigtogel, negem asisasit apapigtog sist lepie telgilitj tan teli tpeletasig (7); pa sig ma atjgenenog telasitjel omitagaltineo altjemeoinol tanel getoi elôlalitjel toaganel gisi tgamotoeg; (7) tan tllisip etgoig atji mitatotg ag nesisgel lepie tetpagag aogti; eln tepetog tetli oetjiatjel gtegel altjemeoinol, gisi giogtôgoasiteo opagamg ag ma ogtji tjjigelasio; (8) tan môgoe atignasio opeli asgaioan altjemeoinol getoi elôlahtjel toaganel; eln tepetog tjiptog taposititj gisna me pigoelititj oegela, notapteget tloetoe oenel ôpli asgaiolitjel.

t  
t  
e  
t  
c  
ô  
n  
n  
o  
g  
g  
ar  
na  
ta  
tj  
tli  
nc  
oe  
ge  
ta  
oe:  
(1

tôgo ma atjgenenog gtegig âsgaiotj na  
tlisip ; (9) tan totjio teli samtôt, altje-  
meoinol gegonalitjel negao toaganel,  
gesg mo negem gitjga oesgôtémog etli  
nagetamgel ; ag oitjei tliateo negem el-  
pa menatoatj toaganel ; (10) tan tlisip  
toagan gegontjel altjemeoinol gagamili-  
tjel etli nagetamgel, tan oesgôtges, notji  
togoig, esg tagamoteg toagan, gisna oe-  
tji samtôg esgemenag apatjasiog oitjei  
etli nagetamgel ; (11) tan altjemagana-  
tgoei tjinem pôgtji togoig, tan pa sig  
oen eig etli nagetamgel oetji poni oesg-  
ôtg, tjel netaoi tjigelalot igatj gteg etli  
nagetamgel istege amsgoesoeigtog, gis-  
na oetji samtôtj tjinemol memgegigtog  
otoaganel ; (12) tan oeli tgamot toa-  
gan igatj ogtininigtog esgemenag samta-  
gol memgegeoatjel altjemeoinol, tlisip  
môgoetj pa etgoimeg, sig eta altjemaga-  
natgoei tjinem pôgtji togoigel ; (13)  
tan atjasitjel etli nagetamgel gisna apa-  
tjasitjel peli igatôg ogoatg megoaigel e-  
tli nagetamg oetjigelasiteo, altjemeoi-  
nol na tetli gogonalitjel toaganel, gisna  
oetji samtôt ; (14) tan poni altjemam-  
geg tôgo aptj piscoetamg, notji togoig  
tan pelatôg negela etli nagetamg tan  
oesgôtges esgemenag gteg atjasiog ;  
(15) tjiptog menag oen etjigelasigosep,

gisna pa sig neogtetjit ag gteg oesgôtg sisteoei etli nagetangel, tôgo altjemaganatgoei tjinem asgatôg altjemagan tan tetli pgôtji altjemating; (16) tan oen eli niganalatjel gtegel etgoimlitjel menag etjigelasiligol, golpio negem menalaten; (17) notji togoig gisi sapotasit amsgoesoei etli nagetangel, gitjga sig tetli igatôg ogoatg, eln tepetog natel apsgoa-siteo, esgemenag igaog tapoôoei; mo telasiog tjigelasiteo; (18) tan totjio notaogtigemoet gigtjio sisteoei etli nagetangel, esg tetli gagamilitjel notji togoimlitjel, oetji togoig tetel etli pgôtji altjemating, tôgo memgegeoatj getoi altjematogtelegen tetel etli pgôtji altjemating, tllisip tan oesgôtg sisteoei etli nagetangel tjigelasiteo otjit notaogtigemoelitjel sespôtémilitjel altjemagan; (19) notji togoig oitapa eimelitj gigtjio etli nagetangel, tan tetli metoi igamg otjit na, negem tjigelasiteo.

57.—Notapteget oiteteo altemaganatgoei tjinemol gisna notji togoimlitjel otetjigelasilin tan telgitasit 56 teplořaganigtog, paseg tan teliag (13) ag (17) esgipetoteo telgig oigotemogsim.

58.—Notaogtigemoet ma apôgônemoagol piloel altjemeoinol, sig eta notji giotôgôtogoiimlitjel gelosaganiřtog; ma

osgoimagoi gtegi altjemeoino gisna oinp-  
atjigtoagoi negemôoa gisna mimatjaino  
tegôtémotilitji ; ma piameog ag taposi-  
tjig notaogtigemoetjig neogti asonôlitj-  
ig tanig altjemaganatgoigtog gagamol-  
titjig, neogtetjig gigtjio amsgoeseoei ag  
gteg sisteoei etli nagetangel otaogtitem-  
oaneo notji giotôgôtogoltilitji ; notapte-  
get petgimata gtegi ogteponoag, gigatji  
talitji \$5. temg telemoata, tôgo tapoôo-  
ei teli ôplategelitj ogtji tjigelalata altje-  
maganigtog.

59.—Neogte gitten etgoimgeoei tes  
notji togoig saptasiteg nesisgel etli na-  
getangel igatj tan tetli pgôtji altjema-  
ting, esgemenag nesisitjig tjinemog etji-  
gelalatjig ; maoen gisi tjigelalat etli nag-  
etangel, sig eta altjemaganatgoei tjine-  
mol pôgtji togoimlitjel, tlisip miamotj  
atjasit.

## VII NOTAPTEGET

60.—Negem elpa mesta tpeleteget otjit  
altjemaganei maioîmi, negem telgima-  
tjel altjemeoinol gisna geptinal, gisna  
oetgôlatji otelasilin tan telitetg gelolg  
altjemaganigtog tlei, ag aniapsotelatji.

61.—Tan niganapteget telgamiteo oteg  
notji msenaelitjel, egimatjel gelosilitjel  
toaganel tan oeli elegemgeg, gisna môgco

gelosiligol ôpli elegemgeg, tagamotj gisna môgoe ; gisna ôpli tgamotj tôgo mesnetjel notji msenaœelitjel gigtjio eimelitjel io lepie tan tetli pgôtji altjemating, gisna samtatjel altjemaganatgoei tjine-mol ; gisna asisoalot tagamotja, gisna peli msenot seg elsingel. Otjit etgoimgeoei, tan totjio toagan oeli tgamot ag notji giotôgôtogoig ig amsgoeseoei etli nagetamgel, thisip notapteget lieteo sisteoei etli nagetamgel ontœoi tpelotegen ; tjiptog gagaisgel etli nagetamgel oesgôtémegel, tli tpelotteo etgoimlitjel sisteoei ongatemelin gisna môgoe esgemenag toaganel msenasiligol alsinlitjel ; tjiptog notji giotôgôtogoig nengalotj oetjategemg sisteoei etli nagetamgel ag etli pgôtji altjemating, oli osgoingositeo.

62.—Tapoôoei notapteget gisi apôgônemoatal niganpogoilitja, ptjilio etgoimgeoeigtog, paseg ma gisi oitemog ôpli altjemating ; tetli gamiteo Iei gisna 3ei etli nagetamgel.

63.—Gespi tpelotteo gitg notapteget tan teloet : oeli tgamot gisna ôpli tgamot toagan, notji giotôgôtogoig oeli togoig gisna tjigelasitj, gôgoatlegemgeoei gisna oini toagan, gisna pilœoi gôgoei altjemaganigtog tlei tan menoegeg teplot-

emen, tōgo ma gisi gseganog tan teli tpeloteget, paseg eta mesoi nemitemg negem oegela teplotaganel tet eoigasigel seoisgatōg. Geptin paseg gisi neiasit cigatjōtemen tan teli tpelotasigsep.

64.—Ngotetjitj notapteget maoi alsotal mset gōgoel ag tetli gamiteo tan me gisi oli tpelotegeteo.

65.—Maoen geptin gisna altjemeoino megtemog ogōgoatjian tan teloelitj altjemaganigtog.

66.—Oisoigenōtegemgeoei altjemaganigtog ma saseoalat notapteget, tlia tli olitetemitij gitg maoiōmigtog tleg.

67.—Tes gigatji seoisgatasigel teplotaganel, (1) oisgi tjigelalaten tan ôplateget; (2) tpelomaten \$5.00 altjemeoino tanel elpa getoi asgaoatjel toaganel, tan peli li pasit neogte aptjetjg gisi telgimotjel, tan ôplateget aogtigematimgeoeigtog, tōgo ngotei peli pasit, geptin tan peli genoatoatjel notaptelitjel, tan totjio altjemeoino napgoatjel oitapal; (3) tjiptog altjemeoinog motpotigtog gigatji sesgotititj otjit tan teli tpelotasig altjemagan, temg petgimaten, tōgo siaoatingel \$10 telemoaten tesit telasit, net otetjg gagi tjigelalaten; eln tepetog geptin gisi menisgoata gtegi gisi siaoi altjematin.



68.—Notapteget tan teplomatjel altjemeoinol gisna etjigelalatjel, oitjei nagoeg agnotemoatal nigani alsosilitjel.

69.—Alsosit genoatoatal tjinemol ag elp omaoiômim, tôgo peli apangitemeg nanogonag menalata tesig altjemaganigtog.

70.—Tan tlisip maoui msegig ôplategemg, getj oinapogoemg, gisna lôg asgaiot notapteget gisna altjemeoino, neolijjel atjelijeljel genoatoaten nigani alsosit.

71.—Getoi altjematingel notapteget tlimata gitg geptina tan iamotj oatjoi gisgatjialat teplotaganel, tôgo peli teleimgel ogtjateo apangitoôoei gisna etjigelatimgeoei.

72.—Elp angapteteo mset gôgoei tan eomeg ogôgoatjian ; apôgônemoatal oemtegi geptinal omitagalaneo natji angaptagatilitji ; tôgo igatjel toaganel omopotimoag ignemoata notji giotôgôtogoltilitji tapogol atji nagetamgel.

73.—Negem ngotei oigotg altjemagan tan tetapoiag, poni altjemating tan telgitasig ag gagiag tan teliag. Esg altjematingel agnotteo altjemaganatgoel ag altjemeoinoel saseoaltingeol.

74.—Notapteget nengatôg altjemagan otjit mesgig gigpesan, gato teli gigpesag

piamio agetaig atjietj, gagatoteo ; elp tan gôgoei amselasig otininigtog, gisna altjemeoinigtog, gisna memgegigtog, gisna pogteo igag gisna tjipagating ag esgoiag. Paseg ma nagatog, misôgo notleget mesnatjel toaganel tan etli gamitjel.

### VIII MEMGEGEOEL TEPLOTAGANEL

75.—Maoen tetli nemitasiog gesg altjematingel, sig eta altjemeoinog neogti asonôltitij, notapteget, gitg notjôtegetjig ag gepelnôleoeg gôgoatjatagatitjig neogti asonôltitij ; tôgo elp tanig pealotjig oemtegi maoiômigtog notji sgemeoinog otjit oantagôti.

76.—Maoen notjôteget, gisna geptin, gisna altjemeoino gelolagoi mimatjaino, sig eta pipanimotj tan teli pmi altjemating gisna tan telosilitj altjemeoinol.

77.—Tesig oemtegi maoiômi oigomata tepielitj gôgoatjategelitji oolian mset gôgoei memgegigtog, tôgo tjiptog mimatjainog igatitj natel gisna asgôtemititj altjemagan, segeoeg altjemeoinog gisi peli altjematitag glapis mosigatasig ; eln tepetog gal atjietj menag mosigasinog, oegela oitasoltitag oatjoi oisoigenôtagatitij, pesgonateg tesigel oli togoimgeoel egitemegel ag gtegig môgoe neogtetjg.

## IX GELOSOAGANTJITJEL

78.—Altjemating — teloet notapteget telgitgel pôgtji altjemating gisna minoi altjemating gisi nagatingeg.

79.—Nagetag — gisna pel poni altjemating ; eln tepetog ma piامي pitagtenog ag neogtgonag.

80.—Gagiag — teloeg, gis gagi altjematinges, môgoetj notanog ogagian.

81.—Gagamitamgeoei — teloeg, teli pgitji ignemot tesit oegela nanitjig altjemeoinog ogogonemen altjemaganatgo, tôgo oatjoiag otjit neogtonemigsitjig tan totjio gis nesisitjig menalotjig.

82.—Neogt altjemaganatgoemg — teli pgitji eog neogtetjit altjemaganatgo glapis menalot gisna pôgtji giotôgôtog-oig ; eln tepetog ma teli oitememeg otjit altjemeoino tan ignematjel notaptegelitjel amsgoesoei etli nagetamg.

83.—Gôgoatjiag — teloemg tan tet teli tplotasig.

## X EGITEMEGEOEL

84.—Oegela teplotaganel igatasigel og-tjiatj neogti gitemen mset gôgoei oisoi-genôtegemgeoei altjemaganigtog.

85.—Tan temg eoigasig oigatigenigtog, gisi oigasigeg ogoisonem, netna tes gag-

amit altjemeoino altjemaganatgoigtog.  
Tapoôoei tan tes etgoig.

Sistoei tan tes tagteget otjit amsgoe-  
seoei etli nagetamg.

Neoôoei egitemeg tagtegemg otjit etli  
nagetamg tan tllisip toagan oetjiet altje-  
maganatgoigtog igat magamigeg segeoei  
apapigtog tan ma tetli gisi ogsoalgogol  
altjemeoinol memgegeoatjel;—tan altje-  
meoino engalatjel, pasig mesi apatleget  
amsgoeseoei etli nagetangel esgemenag  
tetli igaligol tanel tagamsepenel, gisna  
môgoe gisi ogtji tjigelalagol gtegel notji  
togoimlitjel; — tan teli melgi tgamot  
toagan, tjel altjemeoino elpa môgoe ne-  
taoi eoagol otjigelalan altjemaganatgoei  
tjinemol gisna otoalan notji togoimlitjel;  
—gisna oitjei teli paai tgamotj; — tes  
notji togoig etjigelalot, tes egitemeg al-  
tjemaganatgoei tjinem tagteget otjit etli  
nagetamg; — tes toagan tagamot tô-  
go igat notaptegelitjel ogtôgônigtog,  
tan teli tpeletasig 53 (6); — eln tepe-  
tog ma teli gitememeg tan tllisip altjem-  
aganigtog pasig oettjigelalot notji tog-  
oig.

Naneoei egitemeg ami tagamamgeoei  
otjit altjemaganatgoei tjinem tan ami  
samtatjel toaganel oettjigelasit negem,  
gato gisalatjel notji togoimlitjel osiaoa-

silin etli nagetamgel ; elp tan samtatjel toaganel alsinlitjel, tōgo mesnasilitjel, oetjiag oatjoi giotōgōtogoimgeoei, gisna teliasōg tjiptog msenos toagan, telitetg tan notji giltjet.

Asogōmeoei egimotjig tan tesititj etjigelalogoititjel altjemeoinol. Tan thsisp altjemaganatgoei tjinem etjigelalot otjit segeoei gisna ôpli tagamamgeoei, gisna sisteoei ami samtatjel toaganel, telgig egitemeg otjit notji msenaoet. Tan thsisp notji togoig etjigelasit otjit asgaiatimgeoei, gisna ali togoimgeoei, gisna memgeg alsinlitjel toaganel, telgig egitemeg otjit altjemeoino tan gōgoataltjemas mo ogtōgōlgosisen.

Eloigenegeoei egitemeg tes altjemeoino apōgōnematg etjigelaltingeoei ; teleg tan oesoalatjel toaganel apōgōnematgel sapotatingeoei ; — apōgōnematimgeoei elp egitemeg tan thsisp oen teli altjemat oetjigelalan gtegel, thiatj mesetesgoatj otjit gtegel altjemeoinol ; — ngotei teli gitemeg tan oen oesoalatjel ag atjalatjel toaganel oetjategemg oetjielitjel altjemaganatgoigtog glapis igalitjel altjemeoinoigtog tan etjigelaloet ; — tes elp oen teli gegonatjel toaganel altjemaganigtog tan oetjiag notji togoig otoalogsin asgaiotjel gisna opesaogtigemogsin ; — tap-

og  
not  
toa  
C  
igr  
ote  
etl  
alt  
no  
get  
ml  
not  
get  
to  
gte  
tog  
gel  
em  
otj  
nis  
als  
gte  
to  
P  
am  
atj  
pet  
tōg  
egit  
etji

ogol negao etjigelaltingel oetjategemg  
notleget pôgtleget glapis aptj mesnatjel  
toaganel.

Ogomoltjineoei—pesôgiemg egitemeg tes  
ignemot altjemaganatgoei tjinem metj  
otetligamin gisna notji togoig osapotasin  
etli nagetamgel, tan tjigelasisôg gôgoatji  
altjematingeg ; eln tepetog ma pesôgiego  
notji msenaet tan getoi angôtg etli na-  
getamg, gato tleteo miamotj notji togoi-  
mlitjel sapatasilitjel ; — ma pesôgiego  
notji msenaet gisna memgegeoatj tan  
getoi oatjoatôg tapo altjematingel, ga-  
to tleteo teli alleget tjel sapatating  
gteg etli nagetamgel ; — tan tllisip notji  
togoig atjasit meta tan eig etli nagetam-  
gel mesi nagalatjel toaganel tan oelleg-  
emges ogtininigtog, egitemeg pesôgiag  
otjit ola ; — tan tllisip memgegeoatj gisi  
nisalatjel toaganel alsinlitjel, gato tepi  
alsomatjel otatjalan notji togoimlitjel  
gteg etli nagetamgel, ma psôgianog, ga-  
to gitten ola istege teoalgalot.

Pesgonategeoei oesoatasig etli naget-  
amg egitemeg otjit altjemeoino tan  
atjasit môgoe apôgônemoat ; eln te-  
petog tapo gisna sist teli ogsoatasig  
tôgo neogtetjit etjigeltesgot, môgoetj  
egitememeg otjit gtegig ; tan tllisip oen  
etjigeli samtôt gisiagateg etli nagetamg,

ma na gitememeg otjit negem ; pôgtjitjel notji tôgoig otogsoaton etli nage-  
tamg esgemenag ôpli tgamameg, na git-  
emoaten ; tan notji msenaot eleget, tô-  
go altjemeoino elpa mesoi mesetesgoatjel  
toaganel, gesg notji togoig getel geplo-  
lot, tllisip na altjemeoino ôpiet ag ma  
gitememeg oesoatasig etli nagetamg otjit  
notji giotôgôtogoig.

Mtelneoei segeoi allegemgeoei teloite-  
meg toagan gôgoatji lagalgosit teli geg-  
oeg gisna gesgeg tjel notji msenaot mô-  
goe netaoi msenagol mo gesi atignasiog ;  
oetjiag altjemaganatgoei tjinem tan pô-  
gtji giotôgôtogoig ogtigan amsgoeseoei  
etli nagetangel, gisna notji togoig ogtat-  
jasin. Sapotasit toagan tan gôgoatji  
lagalgosit ag netaoi msenot tlia mo gesi  
atignatimeg, eln tepetog mesetesgot ag  
teli gisalatjel altjemaganatgoei tjinemol  
ogtigalin amsgoeseoei etli nagetamg gis-  
na notji togoimlitjel ogtatjasilin.

86.—Maogitemegel (1) tan tesigel ge-  
ginogoatigenel tesig gagamitamgeoeig-  
tog ag tesigel oatjoi giotôgôtogoimgeoel  
neogtonemigsitjig oesgôtemititjel ; (2)  
tesigel etli nagetangel tesit altjemeoino  
oesoatôgel ; (3) tesigel tagamamgeoel tan  
eoititemegel 85 naneoei ; (4) tesigel alsig-  
ngeoel oettjigelalot altjemeoino ag gteg

atjasit etli nagetangel ; (5 ag 6) tesigel tapo gisna elp sist etli nagetamge-  
oel tagamamgeoel ; (7) tesigel etgoim-  
geoel altjemaganatgoei etli nagetangel ;  
(8) tesigel tapo ag sist altjematingel,  
tesit altjemeoino gisna maioîmi telegel ;  
(9) tesigel gagamitangeoel tesit notle-  
get elegetjel ; (10) tesigel tagamamge-  
oel altjemaganatgoi etli nagetang tesig  
elegemgeoeigtog ; (11) tes notleget gis-  
alatjel altjemaganatgoei tjinemol opsôg-  
ieln ; (12) tes notleget pegoatôgel etli  
nagetangel toaganigtog ; (13) tes se-  
geoei allegemgel mengitemeg otjît notle-  
get ; (14) tes notleget samagtoatjel al-  
tjemaganatgoei tjinemol, tjel oetji me-  
soi oitemeg ola ogoisonem ; (15) tes  
notji msenaet mesetesgoatjel toaganel ;  
(16) tan teli pgitji altjemating ; (17)  
tan teloisit notapteget gisna notaptege-  
tjig.

Gagiag.






# Pogteoitjg masgeltemeg

*Na alasotmôgoômigtog môgoetj  
gisi ntemeg.*

- 1 Almitemenetj menteoei pogteoitjg  
Oetji enotjig lnoi mtjitjagamitjg.
- MAOI NT. Na pogteoitjg teli loeoaloeg  
Masgeltemeneti oini gtegaloeg.
- 2 Tetli ptegitmot tan posgi nganamati,  
Poni nsetoeg, ôplaogtigemat.
- 3 Almitemenetj meta oetji gsegag  
Tan gôgoei gelolg ag metoeg igag.
- 4 Nagoeg ag tepgig lôg metoaloeg ;  
Lnoegatig metj sigoaloeg.
- 5 Ola samogoan teli asgaoieg.  
Tan siaoi goilg eoli oaisisoeg.
- 6 Tan posgi oigpet oaisiseoalesit,  
Mesoi ôpliet, lôg gelosgapeoit.
- 7 Aotigtog lmotj gôgoatji pemiet ;  
Môgoetj teleiog lno tan getgiet.
- 8 Getj ialipolgoat, sagatoetesing,  
Getj pesgipolgoat, geoiet, elising.
- 9 Mao oineoistôg, magi gisotenat,  
Metj metetôgsit, lmotj teli ogoilat.
- 10 Oengatji sesgoet, oinpisit, metjigeg ;  
Mo ponianog teli oini sespeg.
- 11 Tjel sôgôtemit, me getoi nsamogoat,  
Notjôtg omosti, mesi otoganat.
- 12 Me oingamigsit epit tan getgiet,  
Melgi ogoaig, oegôo eloeoiet.
- 13 Gil tôg elnoin, ntageien telein,  
Tôgo tjipaten gonmatji ilsomgosin.





---

---

**FOR SALE BY**

---

The President M. T. S. Eel Ground  
via New Castle, N. B.

---

The Manager Base-Ball Club,  
Big Cove, via Rexton N. B.

---

The Indian Chief  
Burnt Church (Miramichi) N. B.  
and by all

THE MANAGERS OF MICMAC BASE BALL CLUBS.

---

---

**PRICE, 10c.**

---

---

